

寶應縣志

第二冊

寶應縣志卷三

山川志

山

雲山在漢東陽縣境亦名東陽山山麓城址猶存山晨出雲如烟霧故名魏於雲山迤東築石鼈城開白水塘以屯田爲制吳之策晉宋因之至隋開皇初南北混一始廢東陽縣分其西境於盱眙東境於安宜截雲山之中爲界寶應名勝紀略云渡湖九十里遵陸三十里至雲山山上古木數十株霜柯鐵幹歷百年許有白龍潭飲馬池潭深池淺水皆四時不竭潭後有白龍廟廟西有寺寺有仙人洞長十二丈廣八丈有門可容人行行半里而遙曰小雲山山有瓢兒井井口泉自生止一瓢取之不竭

寶應縣志

卷三 山

一 山川志

箕山在縣東六十里王野鄉本無山惟有阜百餘中有三王溝阜高者一丈五尺下者丈餘周四十里

應宿峯在縣治後知事李涑築光緒 年知事徐福增重修建亭於上今圯

青峯在衡羨莊觀音寺街北三元宮後殿以峯爲基狀元峯在儒學尊經閣後昉於知縣李涑後令陳燧因教諭盧洪夏之請各捐俸倡築上有方亭今圯

文筆峯在縣南知縣陳燧築

松岡在縣北門外舊有長松數千今無存者

褚廟岡在縣西一百里順義鄉高一丈九尺東西長六

里半南北闊一里半

戴家岡在衡羨莊西分褚廟岡東

雙女岡在縣東六十里三阿鄉涇河南高丈餘廣四畝

鄭家岡在瓜山莊東分高家集河南

川

清水湖在縣南東西長十二里南北濶十八里西南連

汜光湖東會運河西通閭邱溪

寶應縣志

卷三 山川

二

山川志

汜光湖在縣西南十五里東西長三十里南北闊十里

東北連清水湖南會津湖西通灑火湖

明吳敏道有汜光湖賦  
寶應湖即汜光湖說詳

圖經

灑火湖在縣西南四十里西通衡陽河南接安宜溪東

北入汜光湖當洪澤湖下游禮字河尾閭漁舟最多故

名

津湖在縣南六十里

明漕河志  
作四十里

東通運河西北會汜光湖

南接高郵界

魏書作精湖文  
帝伐吳滯舟處

白馬湖在縣北十五里東西長十五里南北闊三里西

連三角村東北會運河北接黃浦

按白馬湖南曰寶應湖曰清蕩  
湖曰黃蕩湖曰丁老湖皆隨地

立名實

一水也

廣洋湖在縣東南五十里東西長十里南北闊三里東南通沈垞港入博支湖西南接潼河北連獐獅蕩東北會三王溝

射陽湖在縣東六十里縈回可三百里南北淺狹自固晉至阜甯喻口白沙入海湖之東屬鹽城西至固晉屬山陽東至上射陽屬寶應

博支湖在縣東南九十里西北通廣洋湖北接馬長汀運河卽古邗溝吳越春秋云吳將伐齊自廣陵邗江通淮運糧之水路也隋大業元年煬帝幸江都命尚書左

寶應縣志

卷三 川

三

山川志

丞皇甫議發淮南諸州丁夫十餘萬開邗溝自山陽至揚子入江渠廣四十步旁築御道植以楊柳蓋前此揚州西北自末口達六合入江東北自射陽湖入淮是時始自揚子達六合入江自山陽瀆入淮矣邗溝一名刊江一名韓江運河漕運志作漕河一統志作官河

宏濟河明萬曆十二年開北自城南越河頭南與康濟河通宋涇河在城中受躍龍關所入之水貫於城而東

注望直港俗呼爲市河

案宋涇名不知所始當是宋賈涉築城所鑿城屢廢興涇未之改故以時代名之

學河自躍龍關引運河之水堰而爲渠入城注愛蓮池又自愛蓮池穿渠經櫺星門東入市河嘉靖四十三年

知縣李瓚開後知縣韓介耿隨龍相繼疏濬別濬一河  
從廣惠橋折而西環繞城中曰玉帶河愛蓮池湮塞後  
於學西南河中橫築石磯遏流迴入玉帶橋繞學前東  
行穿鎮龍橋折入廣惠橋北合流出利涉關  
得寶河在學宮西相傳唐尼真如獲寶處明知縣岳東  
升重浚有碑存八寶亭今湮塞

馬河在嘉定橋北市河西岸有甌陂涵洞一區貫察院  
巷街底西出巷外引市河水入於馬河由縣署東繞而  
北折而西周歷縣署馬棚後仍合流而北昔資以飲馬  
濟河在縣西南八十五里北入衡陽河

寶應縣志

卷三 川

四

山川志

成子河在縣東南十八里西北接望直港南入獐獅蕩  
衡陽河在縣西南六十里西連衡陽鎮東入灑火湖  
蜺螭河在縣東北六十里東西皆入射陽湖  
涇河在蜺螭莊距城東四十里發源於山陽縣涇河閘  
至曹甸東二里許入寶應境經過烈帝廟金吾莊林溪  
南窯東北入鹽城馬家蕩受利不下數十里  
潼河在縣東南六十里河廣闊與運河通中有潼口寺  
東有下潼溝

鹽河在湖東東通瓦溝溪北折繞松岡西由賈家溝至  
南鎬樓堤下東鄉船載至此皆盤壩入運河

窰河五里溝分支出民便橋滙市河東行

陰隲河在湖西萬曆十九年知縣耿隨龍開

邑之西南由黎城衡陽迨雲山

相去百餘里涉汜光湖之險求避風濤不可得又西北由高家壩迨插頭橋相去十餘里田皆墾阜求資灌溉亦不可得邑侯耿公曰湖水距此咫尺倘通之不惟田有溝洫而舟行者不必泛長湖矣乃括俸金及公用之餘開新河六百八十七丈濬舊河七百三十八丈造大橋二小木橋一計費二百七十兩有奇於是舟無覆溺之患向之荒蕪地漸成膏腴之壤矣道光志

金釵澗河 長一千九十二丈詳澗

大新河 長一千八十餘丈

小新河 長一千一百五十餘丈

廟基港河 長五百九十餘丈

大舊河 長十里以上五河尾間汜光界首諸湖

寶應縣志

卷三 川

五

山川志

楊家河在縣東六十里接宋涇河尾間北入射陽湖河

流計十里

小溪河在縣東五十里受成子河水折而東南經過橋

頭易家莊蒯家莊西決溪穿宋涇河注入鹽城沙溝蕩

官河在蜺螻均師之間距城三十里發源於蜺螻蕩東

入射陽湖南入獐獅蕩

山岳河在天平莊東距城五十六里南受博支湖水北

入涇河

禮字河俗名南三河在洪澤湖下游東經衡陽河濟河

黎城河達灑火寶應等湖上自禮字壩入口過衡羨白

水瓜山至黎磨莊長約六十餘里

黎城河在縣西南八十五里西達禮字河東達金釵澗  
北連灑火湖

三河在縣西南七十五里係洪湖隄五壩下游黃河南  
下洪湖時溢開五壩洩水壩下開河三條築隄四以分  
水勢東達寶應湖南北兩隄分立涵洞引水灌田鄉人  
俗稱爲三河六堆今壩久塞河西段屬山陽者漸墾成  
田東仍爲河計長七十里

草字河在丁甯莊東通高寶諸湖西達周家橋入洪澤  
湖明初開爲運糧鳳陽要道

寶應縣志

卷三 川

六

山川志

山寶河在丁甯莊山陽寶應兩縣農人公開灌田者河  
北屬山陽河南屬寶應長十餘里

新河在時安莊上通寶應湖下通涂家溝

鄒家河在時安莊上通寶應湖下通大馬湖

徐家河在汜西莊上通馬家溝下通汜光湖

陳家河在汜西莊上通清水湖下通汜光湖

朱家橋河在傅寺莊北通葉雲閘南通清水湖

阮家橋河在蘆臺莊西通草字河東通清水湖

于家河在傅寺莊西通白馬湖東通清水湖

孫家  
新民  
河在傅寺莊東通清水河

萬家河三皆通湖在丁窰莊傅寺莊汜西莊

白水塘在縣治西八十五里

舊名水陂亦曰射陂宋武帝元嘉末決陂水灌魏軍閼三十里魏將軍鄧

艾所築於此屯田積穀以制吳人與盱眙蘆蒲山破釜塘相通溉田一萬二千頃隋大業未破釜塘壞水北入淮此塘亦涸南唐時大興屯田楚州刺史田敬洙累請修塘馮延己以為便李得名因請大關曠土為屯田奪民田為官屯民大怨咨遣其臣徐鉉巡行鉉矯命罷役唐主大怒流舒州白水塘之役亦罷宋嘉定六年獻議於朝者謂白水塘東至浮圖莊南至褚廟岡脊大堰廢而不治今脊猶在若復之實應高郵諸河相接游波所及如衡陽阜三角村等處皆浸淫至城形勢自張劄本州委官相度司法尤煇議略曰白水塘周圍一百二十里地涉山陽盱眙兩縣所堰之水通富陵河其源出自塘山在盱眙之南山蓋因塘得名此山岡阜重疊谿澗縈紆凡四十里水自高而下乃至劉家渡入富陵河而白水塘三堰一曰潭頭下堰一曰河喜中堰一曰劉家上堰下堰至中堰十二里中堰至上堰五里其上有鏗浪堰在塘內蓋三堰既制則塘山間四十里內之水不得入富陵河然後東滙為白水塘今修設三堰之功不宜苟簡若有潰決則洪澤沿淮受害非輕又塘之西南二面皆因岡阜為限東北二面乃是古淤平地築成塘岸脚濶十餘丈歲月既久岸脊處與塘面平合先增築塘岸高一丈以上方可瀦水舊塘有八斗門以溉塘下田亦合修復塘之復有三難塘之成有二利民間所佃塘內上腴之田二千餘頃蘆墓莊院皆在焉西瀦之民必怨一難也塘內水盛堤岸難測如黃家圍一帶居民千百家所合遷徙二

寶應縣志

卷三川

七

山川志

難也工役甚大為費不貲三難也塘下西北地高亢民田多荒東北亦有高田灌注則成沃壤一利也盱眙之民如兩家渡等處可因水限隔就高保聚絕敵入小路二利也但夏秋之間既開斗門灌注則冬春水勢必殺無以待敵二者不可得兼而盱眙保聚止是一鄉不能盡杜他歧竊見此塘本在高岡決水自高而下塘下臨衡陽阜二十里三角村處三十里果係向來邊兵經行橫趨大儀之路可決而灌之至於楚州城去塘百里決水至此勢已殺滅若敵自淮陰直趨城下凡四十五里地形高仰又是水所不及兼作塘之後又須列寨防守以備敵人掘堰且常巡堤岸以防衝決元初以來建置洪澤屯田萬戶府引塘水以溉屯田按塘之故蹟東屬寶應縣西南接泗州盱眙縣界北接淮安山陽縣界

羨塘在縣西南與白水塘合

黃昏蕩在縣東七里南通宋涇河西接七里溪北通凌

溪東抵三阿鄉

火盆蕩在縣東三十五里南通獐獅蕩北接黃浦溪東

入關車蕩西連望直港



獐獅蕩在縣東南四十里南通廣洋湖北連火 盆蕩西

接成子河東距雙女岡

關車蕩在縣東四十里西通火盆蕩東北入涇河南抵

王野鄉

蜺墟蕩在縣東北四十五里東北入劉鎮港西南入界

淘溝

白龍潭在縣西一百二十里雲山之山周迴五十一丈

深二丈餘

高家潭在縣南十五里運河西與清水湖合

六淺潭在縣南二里運河隄東

寶應縣志

卷三 川

八

山川志

丁家潭在縣南十五里運河隄東

劉家潭在縣北八淺九淺之間九淺即黃浦淺古名越

潭一說即蛻龍潭相傳為明萬曆時決口處也南北約

長五里東西約寬三里形似釜底產魚草頗夥濱潭田

極膏腴不憂旱澇兼有塘田之利惟潭附運河雙隄古

稱險要土人填潭改種稻麥歲以為常

名勝紀略城北二十里黃浦堰堰東有潭其深

莫測明隆慶戊戌居民先聞潭下隱隱如笛聲蓋龍吟也秋大水風雨暴至龍忽決隄而去遺蛻龍鱗爪有司貢之於朝賜名蛻龍潭

呂家潭一名呂泗潭在縣南二十里槐角樓漕河南岸

其地有嶽廟碑

海陵溪俗呼琵琶頭在縣東九十里西北通射陽湖接

馬長汀

陵一作冷

瓦溝溪在縣東南十五里東北入望直港南通澗溝

黃浦溪在縣北二十里黃浦鎮南西通運河北入凌溪

安宜溪在縣西南六十里東北入灑火湖西南接高郵

界劉氏圖經云蕭齊以縣瀕溪遂以溪名縣是平安故

城今淪於湖凌溪在縣東八十里南通黃昏蕩北接黃

浦溪東北入射陽湖

閻邱溪在縣南東通清水湖

望直港在縣東十五里西接宋涇河北入黃昏蕩西南

連瓦溝溪東南通成子河宋嘉定八年港且湮塞知縣

寶應縣志

卷三 川

九

山川志

賈涉以港與射陽湖通商旅輻輳塞則舟航阻絕大爲  
民病因濬之

劉家港在縣東北四十里西接蜆墟蕩東北入射陽湖

沈塚港在縣東南八十里東南入博支湖西北接廣洋

湖

青龍港在湖中

唐家港在縣西南五十里汜西莊上通寶應湖下通高

郵湖東西商船往來稱便設釐捐分卡

老鴉港在時安莊上通灑火湖下通高郵湖

老龍港界瓜山時安兩莊上通灑火湖下通金釵澗

殊砂港在汜西莊上通徐家河下通汜光湖

大馬港在時安莊上通施家溝下通高郵湖

石家港馬家港廟子港皆在瓜山莊東通寶應湖

北蘆港在蘆臺莊西通避沈溝東通寶應湖

顧家港在蘆臺莊南通灑火湖

北港西港中港南港皆在傅寺莊上抵運河西隄下達

清水湖

蘆洲在縣東十三里

七里溝在縣北七里一名小新溝西通運河東入黃昏

蕩水利極沃

寶應縣志

卷三 川

山川志

大新溝在縣北十里龍首莊源在喬家洞

五里溝在縣北五里

界淘溝在縣東二十五里俗呼蛤拖溝又曰葛頭溝西

南接瓦溝溪東入涇河

康熙道光志  
皆作四十里

長沙溝在縣東三十里東入廣洋湖西通運河

澗溝在縣東南二十里南通子嬰溝北入瓦溝溪

蒲塘溝在縣西五里白馬湖

楊家溝在縣東八十里西北接射陽湖東南入馬長汀

三王溝在縣東六十里西南通廣洋湖中貫箕山東北

入射陽湖

新溝在縣東五十里北通廣洋湖

子嬰溝在縣南六十里子嬰舖北西通運河北接潼河

張大夫溝在縣西北十里

三里溝在縣西三里東通運河西接蒲塘溝

此河西三里溝河東城北三里

亦名三里溝

採桑溝在城東市河南岸關帝廟之左今塞

文曲溝在東門內

賈家溝在邑城外東南隅東會瓦溝溪西南通鹽河支

流四達正脈東下販舶由興鹽各場至者魚鹽蜃蛤海

錯洋鮮麇集於此

寶應縣志

卷三 川

一

山川志

牛路溝在縣東北二十五里東南流入蕩附溝有黃滕

溝鎮

涂家溝在縣西南六十里西達山陽縣之周家閘入洪

澤湖東達高郵湖至王家港入裏運河

攷溝為明永樂時派差督開為運糧入鳳陽之

捷徑清嘉慶初年洪水橫流溝與湖合光緒初年溝西岸逐漸淤澱居民會議築圩溝遂復舊東西商船咸以此溝為往來之要津居民積貨成市釐捐局即設街南

馬家溝在縣西南四十里時安莊上通清水湖下通汜

光湖東西商船亦多往來有釐捐分卡

施家溝在時安莊上通灑火湖下通高郵湖

展溝在汜西莊上通汜光湖下通高郵湖

花溝在傳寺莊上通白馬湖下通汜光湖

避沈溝界蘆臺丁甯兩莊之間南通灑火湖北通清水湖

老龍溝在縣東五十四里天平莊西接蜆墟蕩東入射陽湖溝甚深旱年不涸

金釵澗在縣南七十里北入衡陽河

赤水澗一名忠心澗在縣西南七十里西通草字河東通寶應湖

魚池澗在縣西南八十里西北通白水塘東南入衡陽河

陳家澗在傅寺莊西通白馬湖東通清水湖

寶應縣志

卷三 川

二二

山川志

陳橋澗在衡羨莊西接盱眙縣境東達灑火湖

柏家澗在時安莊西通灑火湖東通高郵湖

馬長汀在縣東九十里東北通鹽城界南接博支湖北會射陽湖

戚家汪在城內東北戚家婦祠前稍西卽婦殉節處

金牛汪在時安莊西通寶應湖東通高郵湖

鮮家汪在時安莊西通清水湖東通汜光湖

莫家汪在汜西莊西通涂家溝東通高郵湖

黃浦堰相傳吳王濞置白浦至黃浦五百餘里捍鹽通

商今廢

姜家堰在縣東八十里宋祥符間置視水旱啟閉從民  
便有姜姓者主之故名

南門堰在南門外洪武間知縣李恢築今廢

白田渡即白田鋪在縣城南十里

三里渡在縣北三里

白馬渡在白馬湖邊

黃浦渡在黃渡鎮

槐樓渡在槐樓鎮

黎城渡在黎城鎮

蔣家渡在縣西十五里

寶應縣志

卷三 川

一三

山川志

晏村渡在縣西南七十里

五里涇渡在黎城之西南

觀音寺渡亦名西渡高莊渡亦名長莊渡衡陽渡碾子井渡俱在衡

羨莊

龍墩口渡亦名中渡趙圩塚渡亦名東渡俱在白水莊

鄭家岡渡在瓜山莊東分高家集街內

潘家河渡在瓜山莊西分黎城鎮北

石港渡俱在瓜山莊東分應家集街內自觀音寺渡至此十渡俱在禮字河身

姚家渡俱在丁甯莊小南分

沙矸壩伍家渡即茆家堆塚陳家渡方家渡朱家渡俱在丁甯莊大南

分 自沙矸壩至此皆洪澤湖隄五壩下游俗名三河六堆今壩塞河身如舊南北往來必舟濟焉

伍家 渡俱在丁甯莊中分

沈家 仲家 渡俱在丁甯莊東分 以上四渡皆周閘 下游草字河身

孫家渡 在避沈 溝南段 劉家渡 在避沈 溝北段 茶菴渡 在避沈 溝中段 俱界在蘆臺丁

甯之間

金釵渡在時安金釵澗

馬家渡在時安馬家溝

道光志云萬曆志分目堰後有涇康熙志因之曰大

府涇大府即揚州唐長慶間置白水屯田發青徐揚

三州之民鑿之故有青州涇徐州涇皆在縣西南四

寶應縣志

卷三 川

一四

山川志

十里又有竹涇在徐州涇之東北今俱塞

水利

運河即古邗溝宋山陽志云南接廣陵北流入海左傳

哀公九年吳城邗溝通江淮杜預註云吳於邗江築城

穿溝東北通射陽西北至末口入淮通糧道也 互見山川門 射

陽即射陂在縣東漢書廣陵王有過其相勝之奏奪其

射陂是也水經注云中瀆水自廣陵北注樊梁湖舊道

東北出至博支射陽二湖又載永和中患湖道多風陳

敏因穿樊梁湖北口下注津湖 三國志 作精湖 興甯中復以津湖

多風又自湖之南口沿東岸二十里穿渠入北口自後

行者不復由湖唐大歷三年射陽與洪澤並置官屯後以所收歲減并廢宋史熙甯九年劉瑾疏言水利寶應泥港射馬港亦當興置陳損之疏請興築隄岸并栽柳十餘萬株又淮東總領言高郵寶應歲被水澇者昔元祐間發運張綸築長隄二百餘里爲洞一百八十所石堰斗門三十六座以時疏泄下注射陽湖流入於海故年穀屢登自殘擾之後盡以廢壞湖水漫流請專委有司守令於農隙之時官給米募夫探湖水衝要建石堰斗門并管察隄岸之損缺修築填補旋命葉翥核實以聞明史河渠志漕河之別有七曰湖漕者以本非河道寶應縣志



景泰五年六月大風雨湖水泛溢決高郵寶應隄岸命左副都御史王竑督有司修治之六年右僉都御史陳泰督濬河道天順六年命濬淮安以南運河成化九年侍郎王恕請修河湖隄岸十四年太監汪直請築重隄於老隄之東積水行舟以避風浪從之二十一年工部郎中楊榮用石修砌一千二百丈并每年漸次修砌石隄幾二十里宏治七年隄壞加石補修并新修石隄七百餘丈揚州同治葉元又多積土以廣隄十二年右都御史總督漕運張敷華築寶應隄正德十六年都水郎中楊最請於寶應汜光湖東如昔年白昂開高郵康濟寶應縣志

卷三

水利

一六

山川志

工部覆請以錢糧事下漕運侍郎趙孔昭河道都御史翁大立通融借助爲河淮築堰之用并寶應越河酌議舉行萬歷元年總河侍郎萬恭請復淮南平水諸插又言但許深湖不許高隄於是儀徵至山陽設插二十三濬淺凡五十一處各設澇淺船二淺夫十時測寶應縣大潭起至三官殿嘴止河心舊水深四尺五寸測白馬湖口起至錢家直止河心舊水深四尺二寸三年河道都御史傅希摯請捐徐邳二州河道船稅隄夫等項以備修築高寶隄岸五年御史陳世寶請於湖隄補石隄以固其外而於石隄之東復築一隄以通越河六年總

督河漕都御史潘季馴等題寶應湖於本年六月內忽起暴風驟雨將本工程復行衝決九月季馴築寶應八淺石隄共長八十五丈六尺修復淮安插壩遷通濟插沮洳之地盡爲稼穡之場七年詔修石隄自南門至槐樓二十里僉事史邦直董其役八年季馴題河工未盡事宜寶應子嬰溝舊插及泰山廟後甌插九淺石插應改建減水壩三座是年決黃浦郎中張譽督塞之十二年御史聞人詮請開越河時邑人范韶官戶部仲本罷職家居皆俱疏請給事中陳大科亦言槐角樓據汜光湖之中其形如兜兩翼向爲運道梗所司議開越河而一

主圈田一主靠隄以省修築昔侍郎白昂康濟河圈田之制也比尚書吳桂芳靠隄開越河十餘年來未見衝圮臣以爲靠隄便報可初平江伯陳瑄加築湖東石隄蓄水以爲運道上有受而下有所宣後因決爲八淺匯爲六潭興鹽諸場皆沒而淮水又間從周橋漫入洶湧排空萬歷十年嘗一日而斃千人十二年漕船敗者數十至是總漕李世達等言汜光湖廣一百二十餘里槐角樓當其中形曲如箕瓦甸翼其南秤鈎灣翼其北西風陡起兩翼鼓浪往往覆舟議於石隄之東開越河以避其險乃命給事中馮露往視之河長一千七百六

十六丈爲石插三爲減水插二爲隄九千二百四十丈石隄三千三十六丈子隄五千三百九十丈河成賜名宏濟十六年勘理河道科臣常居敬同督臣舒應龍請築寶應西隄以束流又請復裏河并查復淺船之制十七年總河都御史潘季馴以漕水旁潰入湖以致流緩沙停自黃浦至三官廟之西長二十里築西土隄長三千六百三十五丈束水由漕以省挑濬之費二十一年諸河隄決口無數明年盡築勘河給事中張企程及總河尙書楊一魁共議分黃導淮御史陳燧嘗知寶應縣上疏爭之甚力四十五年郎中李之藻督築黃浦插下

南岸一帶至射陽湖止長五十里天啟二年西隄一淺石工衝卸六百餘丈崇禎四年河道總督朱光祚以淮黃驟漲疏請障浚十五年總理河道張國維請挑運河清順治十六年總河朱之錫請修運河東岸各牐康熙十一年總河王光裕修寶應縣子嬰黃浦永安等七牐十七年大挑運河增築兩岸二十年創建寶應子嬰溝減水壩三十九年總河張鵬翮請挑下河疏言寶應之水由子嬰溝老河口入射陽湖以達於海今老河口淤淺三里餘應挑口寬十丈深六七尺不等引水入湖乾隆二年河道總督高斌奏准疏濬寶應湖內之華家灘

引河四年子嬰溝壩下添建泄水牐一座大理寺卿汪澧請浚下河通海水道在寶應境內者爲子嬰溝九年尙書訥親查江南河務請濬寶應高郵二湖相連之華家灘大新河等十一年協辦大學士高斌會同署江南總河顧琮奏寶應汜水之宋家尖界首之海臺菴二處內運外湖地勢窪下其上臨湖河一面俱係石工唯此二段尙係土隄今應補建甃工東岸子嬰溝舊牐應折修減水以免汜水界首一帶淹沒十九年德爾毓富勒赫請修臨湖石工二十二年嵇璜請修運河東隄郎兒插子嬰南牐又言運河寶應之竹絡壩外灘漸高應於

壩南三里溝地方建設滾水壩一座庶山寶水勢可以平緩二十四年督臣尹繼善河臣白鍾山請建寶應護城甃工自城北太平菴起至城南宏濟插止計長七百八十六丈四十二年河臣高晋等奏測量運河寶應交界起至高郵一帶計程一百四十餘里現在深者一丈有餘淺者五六七八尺不等兜灣處淤有灘嘴又寶應舊有宏濟插一座插門僅寬二丈四尺水行至此一束以致下游積沙未能暢刷兩腮淤土亦難滌除此插建自前明久無啟門擬拆去插牆河面展寬起除阻礙水可暢行再西岸寶應諸湖較低運河水面數尺舊有三

里溝滾壩係分泄運河盛漲年久損壞乾隆三十九年堵閉不敢輕開恐致掣溜今擬於三里溝之下添泄水插一座又三里溝之上舊有減水插亦當估修以備分泄入湖又運河西隄至三里插而止插外有通湖港一道湖水滙入運河是運河之水至此又未免爲其兜阻應卽堵閉使河水由靠裏之二河分流入運歸江至黃浦舊插亦應修整以資啟閉高宗純皇帝命軍機大臣傳諭曰高晋等覆奏查勘淮揚運河籌酌辦理情形自應如此隨宜妥辦至所稱西岸寶應諸湖較低運河水面數尺擬修插座以備水大時分泄入湖又稱應將西

隄之通河港堵閉使湖水由靠裏之二河分流入運歸江等語所奏殊未明晰寶應諸湖在運河西岸本爲瀦水之區且高堰五壩減下之水亦必歸入湖內設遇盛漲之時不能不有所宣泄勢必由運入江并無徑行歸江之水今稱寶應運河轉高於湖水大時必須泄入湖內竟似以寶應諸湖爲運河泄水之地又云湖水由靠裏之二河分流入運歸江則是湖水仍不得不由運入江矣何以在寶應則河高湖低轉藉湖以納水又自何處復湖高於運河水得以由運河而歸江其故殊未深悉或向日情形卽係如此抑係近年來寶應運河獨自

淤高故爲此通融遷就之計均未詳悉聲明難以懸定朕已於摺內用硃筆點記著傳諭高晉薩載卽將淮揚一帶湖河高低形勢確切繪圖并將某處運河深淺若干丈尺及何處泄運入湖何處引湖入運以歸江之路逐一詳細粘簽據實覆奏尋奏寶應諸湖周迴三百餘里湖面寬闊臣等測量寶應運河水深八九尺至一丈一二尺河面高湖面一丈二尺汜水汛運河水深六七尺河面高湖面六尺七寸永安汛運河水深六七尺河面高湖面六尺七寸迤下遞減至高郵湖河相平唯露筋牖以下湖面高於河面自二寸四寸一尺不等此

高郵以上河高湖低高郵以下湖高河低之實在情形也又言寶應臨湖一帶河高於湖儘可宣泄查從前原有竹絡霸三里溝滾壩及減水插等處分泄運河有餘之水近因年久損壞是以酌請於三里溝上下建石插二座以備減泄是年又奏請宏濟插拆後兩頭築壩并請修東岸黃浦插西岸瓦甸減水插葉雲洞改建雙孔石插五十四年總河蘭第錫奏寶應汜光等湖低於河七尺有餘現啟減水插洞以泄運河有餘之水又請重修瓦甸雙孔插嘉慶十八年添建西岸龍亭南窰雙孔插二座二十五年添建子嬰西插一座

道光志

寶應縣志

卷三

水利

一一一

山川志

隄淺

運河隄自黃浦至界首長八十里春秋時吳開邗溝以來雖有河渠之名其實皆湖路

今日河隄古曰湖隄

通鑑隋紀煬帝

大業元年發淮南丁夫十餘萬開邗溝自山陽至揚子入江渠廣四十步渠旁皆築御道植以柳

劉氏圖經云中爲渠而有兩岸未詳

言今高郵寶應何時匯爲巨湖

宋天禧中發運副使張綸始築運漕三百里

於高郵北重和元年發運使楊廷俊言眞揚楚泗高郵運隄舊有斗門插十七座宜修復詔從之明洪武九年詔修寶應湖隄六十餘里以捍風濤萬歷十二年宏濟河成遂有東西二隄寶應汎管轄東隄北自淮安府裏

河廳平橋汛界起南至汜水汛界止計程四十里長六千五百八十六丈五尺隄頂牽寬三丈至三丈五尺及四丈底牽寬七八丈牽高八尺至八尺五寸及九尺護城甃工自太平菴起至宏濟北閘止長七百八十六丈高八尺四寸至一丈四尺四寸乾隆二十四年建西隄長六千五百八十四丈五尺隄頂牽寬一丈四五尺底牽寬五六丈牽高六七尺汜水汛管轄東隄北自寶應汛界起南至永安汛界止計程四十里長五千六百六十一丈九尺隄頂牽寬三丈至三丈五尺及四丈底牽寬六丈至六丈五尺及七丈牽高八尺至八尺五寸西

隄長五千一百四十五丈七尺隄頂牽寬三丈五尺至四丈底牽寬六丈至七八丈牽高七尺至九尺西岸臨湖越隄一道長一千九百六十三丈五尺內白田舖對河甃工長二百二十八丈高一丈康熙三十八年建五淺秤鈎灣起至四淺宋家尖止石工長一千六百三十六丈五尺萬歷四年建接連石工長六十七丈康熙三十八年建又接連甃工長三十二丈乾隆十一年建以上甃石俱高十層遇損壞隨時詳請修補

宣統三年訪出  
七淺太平菴北

至八淺之越潭雙隄卽劉家潭其下有古甃工此隄左潭右河每遇伏汛一綫危隄作東南保障古人建築磚工用意良深道光志所未載早年有私竊古甃者以萬計嗣經禁止乃罷良有司宜隨事防範之



唐公圩在均師北界淘溝東距城二十五里道光十年知縣唐汝明築

太平圩在均師北與卞灣毘連距城二十里道光年間築

同義圩在均師北東接唐公圩距城二十五里嘉慶年間築以上皆禦壩水

九龍口圩在陶家林西北距城四十五里此口會成子河龜溝季家溝官溝菱角溝趙家溝西溝東溝丁莊溝諸水明代屢遭水患道光十六年地方紳士建大王廟於此水患始平

寶應縣志

卷三

水利

一四

山川志

- 一淺曰子嬰淺離城六十里由界首往北至杠橋鎮
- 二淺曰汜光淺離城四十里南接杠橋北至新鎮
- 三淺曰瓦甸淺離城三十里南接新鎮北至朱馬灣
- 四淺曰槐樓淺離城二十里南接朱馬灣北至龍王廟
- 五淺曰白田淺離城十里南接龍王廟北至四潭灣
- 六淺曰潭灣淺離城五里南接四潭灣北至西馬頭
- 七淺曰七里溝淺離城五里由西馬頭北至五里鋪
- 八淺曰白馬淺離城十里南接五里鋪北至越潭中
- 九淺曰黃浦淺離城二十里南接越潭北至山陽界

明漕河志載淺鋪九曰黃浦淺白馬湖口淺七里溝淺五里淺白田淺丁家潭淺槐樓淺瓦甸淺子嬰溝淺與今制稍異每鋪老八一名塘長一名夫不等共四百

四十三名內四百八名本縣人子嬰溝第一淺夫二十五名瓦甸第二淺夫十名高郵州人

## 洞

### 黃浦插

在九淺康熙十二年建金門原寬一丈二尺六寸石高三層由身長十四丈嘉慶十七年改建金門寬九尺六寸加砌石二層共石高十五層水由引河五十里至蜆蠃蕩又六十里入鹽城縣境由天妃插歸海光緒二十年拆修金門寬九尺六寸海漫石高插底一丈六尺八寸由身直長三丈九尺四寸平由五尺三寸南牆上迎水橫長二丈五尺八寸北首接砌石工長六尺二寸計石十五層分水各斜長四丈六尺六寸雁翅各長三丈零七寸官建官修

### 黃浦耳洞

在九淺同治十二年建口門寬二尺四寸高四尺八寸由身長十丈牆石高二十一層光緒四年大汛河水驟漲稟明閉塞十五年大旱請開救濟二十年移建拆修平田低黃浦插一丈五寸洞門寬二尺四寸高三尺六寸由身長十丈二尺牆石高十七層迎水各長一丈八尺分水各長一丈計石十七層較量洞門起至插北牆止相距長十八丈五尺水由引河長三十八丈匯歸黃浦插河下注民建民修

### 木洞

在八淺同治八年建口門寬高俱二尺由身長十一丈旋閉民建民修

### 喬家洞

在七淺嘉慶三年建口門寬高一尺二寸由身長九丈民建民修

## 寶應縣志

### 卷三

#### 水利

二五

#### 山川志

### 學洞

在七淺萬歷三十九年建口門高寬一尺八寸由身長五丈七尺光緒二十九年邑人朱莘生經始募款拆修擬改口門寬二尺四寸高三尺由身長九丈三尺牆石高十五層民建民修

### 孫家洞

在七淺萬歷三十九年建口門寬二尺六寸高一尺六寸由身長七丈二尺道光二十年重修民建民修

### 躍龍關

在六淺康熙二十五年建金門寬二尺八寸六分由身長三丈九尺嘉慶二十一年重建長一丈五尺由身長五丈四尺牆石高一丈五尺水由城河出利涉關四十里入廣洋湖又九十里入鹽城縣境由天妃插歸海光緒十八年兩江總督劉坤一履勘拆修金門寬二尺二寸平由一尺七寸先是民建民修今改為官修

### 湯問洞

在四淺明嘉靖三年鄉學監生問貴偕湯姓創建口門寬高俱一尺六寸由身長六丈八尺嘉慶二十一年重修接長一丈八尺由身長八丈六尺民建民修凡下游有田業者悉受其惠

### 朱馬灣

在四淺天啓元年建金門寬六尺六寸由身長六丈五尺牆石高三層水由引河至望直港會歸廣洋湖官建官修

### 郎兒插

在三淺嘉靖三年建金門寬六尺六寸由身長六丈五尺牆石高三層水由引河入廣洋湖官建官修水道提綱郎兒插支河口即泥水鎮

從家洞

在三淺道光時閉塞咸豐九年經錢應禧問芹等集貲呈清開放

張成洞

在二淺嘉靖三年建口門高寬一尺二寸由身長六丈民建民修

胡成洞

在一淺嘉靖三年建口門高寬一尺二寸由身長五丈民建民修光緒二十四年汜水芮序周貼款修理

永安插

在一淺康熙十一年建金門寬三尺六寸由身長六丈五尺牆石高三層水由引河北滙廣洋湖官建官修

軍民洞

在一淺嘉靖三年建口門高寬一尺二寸由身長七丈五尺民建民修

風水洞

在一淺順治八年建口門高寬一尺六寸由身長六丈五尺民建民修

子嬰南插

在一淺康熙十年建金門寬一丈一尺由身長六丈五尺牆石高二層水由引河至王家營歷高郵之蜆子灣仲家寨達郭正廣洋等

湖至姜墳歷鹽城界沙溝北宋莊新河至天妃石礮口入海官建官修以上東隄按此條乃引府志高斌等疏中語其別卷又稱由子嬰溝老河口入射陽湖或稱經時堡鎮入護金蕩蜈蚣湖出東官河由紀家港歸串場河出范公隄由青龍入鼇大團等插入海前後兩歧而河防志則曰子嬰溝流六十里至時堡入郭正湖東北由西塘河建陽河至老鸛尖亦會蝦鬚夏梁水矇矓河說又不同蓋下河疊被大水水道遷徙不常水道提綱曰寶應城南諸支河俱滙為廣洋湖其說為近

寶應縣志

卷三 水利

二六

山川志

葉雲洞

在九淺乾隆四十三年建口門寬高一尺六寸由身長五丈民建民修

葉雲雙孔插

在九淺乾隆四十三年建金門各寬一丈由身長十丈九尺牆石高二層嘉慶二十三年重修加砌石二層共計石十四層

水由引河二十里入白馬湖歸寶應湖官建官修

利民洞

在九淺令閉塞

王鼐洞

在八淺康熙四十九年建口門寬高一尺六寸由身長七丈二尺民建民修

梁淮洞

在八淺康熙五十一年建口門寬高一尺六寸由身長七丈五尺民建民修

通湖插

在七淺乾隆五十年建金門寬一丈二尺由身迎水共長十三丈八尺牆石高三層水由引河二十里入寶應湖官建官修

龍亭雙孔插

在五淺嘉慶十八年建金門各寬一丈二尺由身迎水共長十一丈二尺牆石高十五層運河水漲時洩河水入湖水澗時引

湖水入河補助轉運官建官修

南窰雙孔插

在四淺嘉慶十八年建金門各寬一丈二尺由身迎水共長十一丈二尺牆石高十五層亦分運河水勢官建官修

洩水壩

在四淺槐樓灣西岸宣統二年高兼益堂願將已地改建壩基係用土工埽工每屆運河水漲相機啓放以資分洩交冬後堵塞官開官閉

小瓦甸雙孔插

在二淺乾隆四十三年建金門各寬一丈由身迎水共長十一丈 尺牆石高十二層水入寶應湖官建官修

子嬰西插

在一淺嘉慶二十五年建金門寬一丈一尺由身長九丈五尺牆石高十二層水入界首湖官建官修以上西隄

以上臨湖各插下新淤灘地產柴由汛官採割充公

道光志

按劉氏圖經引康熙志云宏濟南閘赴河閘一道在三淺宏濟北閘越河閘一道在五淺金門皆寬

一丈六尺建自明代久無啟閉故道光志未載

附錄明漕河志所載插壩涵洞

減水插三

七里溝淺隄內減水插一座在城北

塔下萊橋口減水插一座在縣市口

魚兒溝減水插一座在縣治南五里淺該管隄內

滾水壩三

寶應縣志

卷三

水利

二七

山川志

白馬湖口淺隄內滾水壩一座

七里淺隄內滾水壩一座

槐樓淺隄內滾水壩一座

減水涵洞十五

黃浦淺隄內涵洞一座

白馬湖口淺隄內涵洞二座

七里溝淺隄內涵洞三座

白田淺隄內涵洞一座

槐樓淺隄內涵洞一座

瓦甸淺隄內涵洞三座

子嬰溝淺隄內涵洞四座

柳園

一在槐樓灣河東一在二里溝河西河工需用柳枝皆望青而採民間畏運送之苦多自伐其樹迨柳園種植成林不復採民間柳矣

粵自江淮通而水利興清黃滙而水患劇載考水經地志代有疏鑿留心灑澹者往往奏平成之績然無歷久不敝之政令亦無歷久不變之地勢至明又益

以保衛祖陵一事任愈重而治愈艱矣寶應葢爾一  
邑諸河繚帶於東西溉浸所及享其利固厚而時勢  
遷改罹其殃亦常酷如湖中舊有五河以汜光界首  
爲尾閭灌輸甚速今則豐草填咽半成平陸兼運河  
西隄各插水所注直變湖濱爲臯壤日淤日廣地與  
水爭是以夏秋潦溢之時居民惶惑恐接天巨浸將  
有東移之日安得當事疏通保障以免杞人之憂也

道光志

邑治瀕臨大湖自明開宏濟河後與中運溝通上承  
沂泗旁納淮流東注海而南入江當黃河南趨奪流

寶應縣志

卷三

水利

二八

山川志

而下此土號爲澤國歲遭水滌民無所安居逮豐工  
決口黃河北徙其患稍紓藉資灌溉之利頻年有秋

儼成沃壤然黃河挾建瓴之勢時時慮復南侵

近人書云

盱衡河勢長垣境內兩堤之距最寬四十餘里最窄二十餘里黃河行于中部寬緩而不爲害入東明則南岸有兩坐灣至劉莊則火溜南臥處處嚙隄荷澤境之朱口賈莊皆爲險地濮陽李升屯恰當大曲坐灣之頂衝尤爲要害此區區數十里南隄不決則已決則必下江蘇而影響及于淮水流域又云淮自古有利無害淮水之害其弊中于黃河之侵奪河未奪淮以前淮之趨勢爲一遞降之河床南北諸水皆歸之淮陰以下淮底極低邗溝入淮漣沐入淮史有明徵中古以降淮爲黃占流沙層積地勢中高而南北皆下此爲造成江蘇淮南北水患之一大原因

淮水故道淤塞二河不

閉高寶兩湖遂爲尾閭北高南下形如側釜一遇盛

漲則寶汜之間首當其衝

光緒十年楊昌濬奏淮水挾兩省衆流漚爲洪澤湖本係江皖巨浸道光年間

爲黃河所淤北高南下形如側釜由禮字河趨高寶湖以入運河者垂三十年已成自然之勢 趙秉節導淮辨清口一帶如張福口等處湖舊身被奸民陳端決

黃淤湖北高南窪清口以至高良澗幾成平陸 近人書云淮爲河奪局勢冰裂河徙之後受病益深今則淮不出海但以洪澤湖爲其承轉之囊鑰此流域中諸渠悉墊萬陂皆廢藉運道行淮利在一隅而禍且不測 又云道光初黃河淤高淮不敵黃禦壩永閉灌塘濟運淮黃隔絕淮無出路二十七年黃河大漲刷吳城七堡縷堤洩黃水入湖二十九年又於七堡迤上刷隄洩黃水入湖五引河淤祇存張福太平兩引河張福河之西衝開新天然河一道不久太平河亦淤湖西北界亦以黃水衝刷及淤淤之結果造成溧河安河成子三大窪洪澤湖底墊高至一丈五尺上下湖之北面竟成平陸水位綫南縮至三十餘里全湖大溜遂改趨蔣壩鎮之河口至今七十餘里年洪澤湖形勢略定 又云洪澤湖淮水自三河東流以竇高諸湖爲停瀦容與之地又入運以分歸于江海自三河口至竇應湖口河綫長約八十餘里河寬一里上下至二三四里不等白馬竇應汜光界首高郵邵伯諸湖在最高水位時面積約六千方里而弱南北通長約一百七十八里東西寬不等白馬湖約寬十里竇應湖約寬三十餘里汜光湖界首湖約寬二十餘里高郵約湖寬五十餘里邵伯湖北段約寬十餘里南段漸縮至一二里諸湖皆平底與洪澤湖髣髴其大勢自洪湖大隄起堤東地面向東漸次傾斜至河近高竇湖處較低于洪澤湖底一丈以上諸湖湖底較低于洪澤湖底兩丈上下不等 又云宋眞宗光宗時大築漕堤瀦水漸多始有汜光湖界首湖新開湖諸名元明清黃河奪淮受壅遏始由高堰東趨以諸湖爲壑改北流爲南流有時黃水倒灌洪澤其禍倍慘咸豐河徙後高竇諸湖水量漸減人其入海之道民於湖中築圩興墾與水爭地湖又縮小遂如今日形勢

### 其入海之道

## 寶應縣志

### 卷三

#### 水利

#### 二九

#### 山川志

假途裏下河從前三分入江七分歸海者今一變而

互易其用海灘日長攔門沙停通海口門皆成高仰

所恃僅射陽一港猶得暢流其他皆不足自達

近人書裏下河

受水與歸海壩有直接之關係而歸江壩無與焉裏運河東堤各閘洞僅利灌漑盛漲則堅閉防建瓴直瀉致有崩石決堤之險其由六閘運鹽河分洩入裏下河之水爲量不多故歸海壩情形喫重壩水由車邏河澄子河東流分道歧出游衍于高郵江都泰縣東台興化鹽城寶應淮安阜寧九縣之境謂之裏下河一稱東下河其間水道縱橫湖蕩相接幹河皆東流自南而北數之曰蚌蜒河曰梓辛河曰車路河曰白塗河曰海溝河曰興鹽界河曰新官河曰皮汊河曰射陽河以射陽湖爲水櫃 又云竹港王家港門龍港新洋港射陽港名爲五大港各港灣曲特多海潮內灌紆緩壩水外洩亦紆緩今竹港已淤王家港新濬工程不大門龍港較優均洩水不多新洋港較門龍港多十倍射陽港洩水量較新洋港多三四倍射陽港適當射陽湖下流無閘無壩終歲通流涵潮倒灌影響不大河之寬深度爲各港之冠 趙秉節導淮辨至于下河惟其內低故成外仰下河雖各有海口范堤十八閘水滿則溢水平則停須盈科而溢出海灘非暢流而直趨海口其病在未能下注先已旁流

于是歸江十壩爲洩淮入江之路而卽

## 為江北命脈所關

近人書裏運河非行淮之河然淮已入運又穿運入江歸江壩開沿革之歷史極為複雜壩開

之建設為漕鹽兩運計也實有礙于行水兼籌並顧規制屢更亦煞費經營矣明以前河不病淮淮未南趨其利在蓄後乃重洩又須洩蓄兼籌時勢異也黃河北徙淮不復故仍舊歸江臨運各滾壩圯壞不修改築草壩以時啓閉歸江之局至今不變啓放水則以昭關壩鎮三溝開誌椿為淮 又云高郵以南運河底不獨未曾墊高且更刷深昭關壩以下河底在海平面下此緣受歸海歸江各壩之影響以致河底較古代為低因古代揚州河底高于高郵防漕渠庫下走淮故于邵伯置堰閘今刷深在一丈上下不等亦非古黃河底之比矣運河之淤在北部中部然平均尚低于寶高各湖底三四尺仍為通川大水時寶應一帶河水高于湖水可減河入湖高郵附近河湖相平有時淮湖漲發湖高于河則河受頂託下洩不暢寶高之交容易停淤此為現在運河本身之利病至于寶高運河底與裏下河中部興化一帶地面之比較高低略相等然運河東隄頂則高于下河及兩丈運河最大水位時水面亦高于下河地面及兩丈此為極險故運河東堤為裏下河惟一之屏障

不幸江水盛漲倒漾及于高郵之北沂泗渦淮同時併旺宣洩不及則惟有開放東堤五壩之一途下游汜濫橫溢旁流而數十州縣皆沒水中大懼

吾邑為泗虹之續也夫水性就下治水之道莫要于由地中行今既未能復淮故道使之北流罅漏補苴亦宜寬籌瀦水之方俾衆水暴至得以容納乃民貪小利占湖為田白馬舊湖面積日削寶應湖口收束如瓶一遇淮漲則時安等莊白波浩淼是不啻移洪湖位于寶高也東境各蕩毗連鹽阜與其待開壩而仍溢田疇何如濬港口而先謀分洩與其迂迴水道何如直達海隅此孫應科所謂運河上流多減一分即下流多增一分為容納湖水之地而五壩得守且守也前人或欲開子嬰或欲濬涇河近則多主濬淮

安烏沙河設減水壩以通馬家蕩就地形言愈直則愈捷就水勢言多分其途則亦多殺其威各縣旣不能同力合作爲具體之疏導吾邑欲免切膚之害可不加之意歟至於治標之法歸江各壩啟閉之權操之於人然明定誌椿未嘗不思慮周詳果能守而不渝亦可稍資補救而當事者每多遲迴貪利者從而阻遏往往審慎之間便貽大患綢繆經畫不能無望

于賢哲也

近人書云以現狀觀之洪湖大隄築水之極限以水誌高兩丈爲准則水誌將近兩丈即到危險時期 又云三溝攔河閘明

萬曆建乾隆二十二年設立誌椿于此爲昭關壩及歸江各壩啟放准則 又云歸江各壩啟放水則以昭關壩鎮之溝閘誌椿爲準道光十二年淮南鹽運使會同淮揚常鎮二道定議歸江各壩啟放水則以三溝閘誌椿存水九尺爲度如存水一丈啟放金灣舊壩東西灣壩一丈一尺啟放鳳凰橋瓦壩鋪壩一丈二尺添

寶應縣志

卷三

水利

三

山川志

啟人字河褚家山壩後又改訂水誌一丈三尺啟放新河壩及東壩灣一丈四尺啟放金灣壩鳳凰壩一丈五尺啟放攔江壩一丈六尺啟放壁虎壩至于褚山壩及灣頭老壩須各壩啟放後水勢接漲方可斟酌啟放

東隄閘洞本爲洩水而民田浸漑因以爲用然職方劉公有言閘洞以各支河爲喉以廣陽射陽諸湖爲腹以串場河爲尾閭以海口爲歸墟海口不通則串場河不流串場河不流則諸湖高仰諸湖高仰則支河旁溢利也而害寓焉循是言之不濬海口是爲引水占田不濬支河是爲設阱自陷欲求灌溉之利先有溢滿之憂今緣堤閘洞數十餘座堤身不固已自顯然下游壅塞徒以瀦水而論者不察廣闢新洞加寬金門或乃沈深閘底使低于河



不知閘名平水或蓄或洩變通以時底深則失平水  
之義洞多則蟄及堤身大水澎湃無以捍蔽則下河  
州縣胥受其災苟謀一時之利而忘莫大之害此又  
言水利者所應籌及者矣

